

Urden da chasa

Biblioteca chantunala dal Grischun





General

Il diever da la biblioteca chantunala dal Grischun sa drizza tenor l'urden da diever ch'è vegnì relaschà da la regenza sin basa da l'art. 45 al. 1 da la constituziun chantunala ils 19 da matg 2009. L'urden da chasa qua avant maun regla ultra da quai il cumportament en la biblioteca.

I. Disposiziuns generalas

1. Per in manaschi senza disturbis da la biblioteca èsi indispensabel da prender resguard in da l'auter. Disturbis da tut gener, en spezial discurrer ad auta vusch, ston vegnir tralascchads.
2. En l'entir edifizis èsi scumandà da fimar.
3. Mo en la cafetaria èsi permess da mangiar e da baiver.
4. I n'è betg permess d'utilisar telefons mobils en las salas da lectura, al plaun sutterranean ed al spurtegl d'emprest.
5. Animals na dastgan betg entrar en la biblioteca.
6. La biblioteca è autorisada d'installar indrizs da controlla e da laschar far controllas tras il personal da biblioteca; quai vala cunzunt per objects prendids cun sai.
7. La direcziun po excluder dal tutfatg u per part ubain illimitadamain dal diever tgi che impedescha il manaschi da biblioteca u tgi che ignorescha repetidamain l'urden da diever u l'urden da chasa.

II. Diever ed emprèst da las medias

1. Las medias or dal fundus dal magazin ston vegnir empustadas. Las medias da la partiziun a liber access pon vegnir empustadas mo, sch'ellas vegnan tramessas e sch'ins è obligà da surpigliar ils custs per quai.
2. Ovras emprèstadas pon vegnir reservadas.
3. Las medias emprèstadas stattan a disposiziun durant set lavurdis per la retratga.
4. Ils termin d'emprest èn: per medias stampadas 4 emnas, per nonbooks 2 emnas. Sch'i na dat nagina reservaziun, vegn il termin d'emprest prolungà automaticamain duas giadas per mintgamai 4 emnas resp. 2 emnas. Sch'i na dat anc adina betg ina reservaziun, po il termin d'emprest dal conto d'utilisaziun vegnir prolungà tras l'utilisadra sezza u tras l'utilisader sez anc trais ulteriuras giadas. Las prolungaziuns dal termin fixeschan mintgamai in nov termin d'emprest garanti. Suentar maximalmain tschintg prolungaziuns dal termin d'emprest sto il medium emprèstà vegnir preschentà a la biblioteca chantunala dal Grischun.
5. Sch'i dat ina prenotaziun vegn il medium clamà enavos. La restituziun sto vegnir fatga il pli tard suenter la scadenza dal termin d'emprest, betg pir suenter avair obtegnì l'admoniziun.
6. Suentar la scadenza dal termin d'emprest vegn tramessa ina regurdientscha da restituziun. La restituziun sin il termin sto vegnir garantida er en cas d'ina assenza.
7. Il clom e la regurdientscha da restituziun èn gratuits.
8. Suentar la scadenza dal termin d'emprest ston vegnir pajadas taxas per mintga admoniziun tramessa: 1. admoniziun suenter 2 emnas, 2. admoniziun suenter 3 emnas, 3. admoniziun suenter 4 emnas. Sche



l'admoniziun n'ha betg gi success, vegn l'utilisadra u l'utilisader bloccà, fin ch'ella u el ha restitui las medias emprestadas e fin ch'ella u el ha pajà las taxas resultadas. Sche las medias na vegnan betg restituidas, vegnan mess a quint a l'utilisadra u a l'utilisader las taxas d'admoniziun ed ils custs d'elavuraziun e da reacquisiziun. La biblioteca sa resalva ulteriurs pass giuridics.

9. Las taxas ston vegnir pajadas suenter la scadenza dals termins, e betg pir suenter avair obtegnì l'invitaziun en scrit.
10. Medias electronicas pon vegnir consultadas online en la biblioteca. Cun ina carta da biblioteca valaivla pon ellas per part er vegnir utilisadas davent da chasa. Las medias electronicas che la biblioteca metta a disposiziun èn protegidas tras prescripziuns d'utilisaziun, tras licenzas da producziun e tras dretgs d'autur. Las cundiziuns d'utilisaziun respectivas ston vegnir observadas. Las cundiziuns d'utilisaziun pon vegnir consultadas en il spurtegl online da la biblioteca chantunala sut www.kbg.gr.ch. Sch'i dat in suspect d'in abus, è il persunal da surveglianza da la biblioteca chantunala dal Grischun autorisà da prender las mesiras da controlla necessarias e da scumandar il diever da las medias electronicas.

III. Taxas

1. Las taxas figureschan en ina glista en l'aggiunta.
2. Sch'i vegn fatg diever da l'emprest interbibliotecar, vegnan ils custs per prestaziuns spezialas, en spezial las taxas che vegnan incassadas d'autras bibliotecas, adossads a l'utilisadra u a l'utilisader. I valan las cundiziuns d'emprest da la biblioteca emprestanta.

IV. Ulteriuras disposiziuns

1. I n'è betg permess da reservar plazzas da lavur.
2. En las salas da lectura sto reger quietezza.
3. Tut ils indrizz ed apparats technics che vegnan mess a disposiziun da la biblioteca na dastgan betg vegnir duvrads en moda abusiva. Quai pertutga en spezial la vista, l'elavuraziun, l'archivaziun u la transmissiun da datas cun in cuntegn illegal u immoral sco p.ex. represchentaziuns da violenza u pornografia.
4. Las stgaffas da gardaroba che stattan a disposiziun pon vegnir duvradas gratuitamain. Las stgaffas da gardaroba ston per regla vegnir svidadas la saira. Per la perdita da la gardaroba, dal cuntegn da las stgaffas da gardaroba u d'objects purtads cun sai na surpiglia la biblioteca nagina responsabladad. Ils objects chattads vegnan tegnids en salv durant in mais. Alura vegnan els surdads ad in'organisaziun caritativa u dismiss.
5. Recurs ston vegnir drizzads a la direcziun da la biblioteca.



Agiunta taxas

Per ils servetschs da la biblioteca chantunala vegnan incassadas las suandantas taxas:

1. Taxa d'utilisaziun

- a) Taxa d'utilisaziun annuala (consegna da la carta da biblioteca) 30.– francs
- b) Taxa d'utilisaziun mensila (consegna da la carta da biblioteca) 10.– francs

2. Remplazzament da la carta da biblioteca

10.– francs

3. Custs da spediziun

- a) Chantun Grischun (pauschala per pachet u per brev) 10.– francs
- b) Rest da la Svizra tenor custs

4. Admoniziuns (per medium)

- a) 1. Admoniziun 10.– francs
- b) 2. Admoniziun 20.– francs
- c) 3. Admoniziun 35.– francs
- d) Quint (en cas d'ina 3. admoniziun senza success) 55.– francs

5. Remplazzament da mediums pers

Custs da reacquisiziun dal medium che sto vegnir remplazzà plus ina taxa d'elavuraziun da 40.– francs (croda en cas d'ina cumpra persunala)

6. emprést per correspundenza

- a) En Svizra tenor custs
- b) Da l'exteriur tenor custs

7. utilisaziun da l'internet en chasa

Utilisaziun curta fin maximalmain 15 minutas ina giada per di gratuit
Per utilisadras e per utilisaders inscrits utilisaziun illimitada gratuit

8. Clav da la chascha da segirezza persa

100.– francs

9. Reproducciuns

- a) fotocopias (pagina A4 u A3) 0.20 francs
- b) incumbensas da copiar tenor custs

Per servetschs speziels pon vegnir mess a quint taxas tenor il temp impundi u tenor ils custs a norma da las tariffas da cumpensaziun per servetschs da l'administraziun chantunala che vegnan furnids a terzas persunas.